



Inzko: Politička prepucavanja među strankama moraju prestati

Došlo je vrijeme da se stranke koje su doabile podršku izbornog tijela fokusiraju na to da upravljaju Bosnom i Hercegovinom i da prestanu s političkim prepucavanjem, rekao je visoki predstavnik Valentin Inzko slovačkom ministru vanjskih poslova Miroslavu Lajčáku tokom sastanka održanog danas u Bratislavi.

„Kao rezultat trenutnog političkog zastoja, BiH kasni za drugim zemljama u regionu što se tiče procesa integracije u EU i NATO,” rekao je Inzko. „Međunarodna zajednica očekuje da institucije koje vode zemlju rade svoj posao. Napredak na putu ka evroatlantskim integracijama je moguć ako postoji politička volja. Druge zemlje u regionu su to dokazale.“

Govoreći o Mostaru, visoki predstavnik je izrazio žaljenje što se lokalni izbori nisu mogli održati u gradu i naglasio je da se presuda Ustavnog suda mora provesti. „Neuspjeh nije opcija, a rješenje mora doći od samih političkih stranaka,” upozorio je Inzko.

Inzko je zahvalio Lajčáku na podršci koju njegova zemlja pruža EUFOR-u i njegovom izvršnom mandatu, a posebno na stalnom doprinisu koji Slovačka daje putem svojih trupa u okviru ove misije.

Tokom svoje posjete Bratislavi, visoki predstavnik se sastao i s državnim sekretarom Ministarstva odbrane i visoko pozicioniranim zvaničnicima u Uredu predsjednika Slovačke.